

Inatsisartut suleriaasianni § 37 naapertorlugu matumuuna Naalackersuisunut apeqqutit imaattut saqqummiuppakka:

- 1. Naalackersuisunit Qeqertarsuarmi imermik tunisassiorfik qanoq annertutigisumik malinnaavigineqarpat?**
- 2. Imermik tunisassiornissamik akuersissut 938-imik piginnittunit Namminersorlutik Oqartussanut utertinneqarnikuua?**
- 3. Tunisassiornissamik akuersissut atorneruttutut taasariaqartoq qanormita eqqarsaatersuutigineqarpa?**

(Inatsisartunut ilaasortaq Jess Svane, Siumut)

**Tungavilersuut:**

Ukiuni arlalinngortuni Qeqertarsuarmi imermik tunisassiorfik 938-ip tamakkiisumik tunisassiuunnginnera arajutsisimaneqanngilaq. Pisiniarfiillu ilisiviini aamma takussaavallaartarani.

Imermillu tunisassiorfik ilaannakuusorujussuarmik tunisassiorfik sulisut ikittunnguit ukiup ilaannaralanguanut atornerqartarput. Naak annertunerujussuarmik tunisassiorsinnaanermik atorertutututut piareersimagaluarlutik.

Tunisassiorfik atorertutut piarneqalereersimasut paasivara. Arlaannik peqquteqarsimanissaa soorunami ilimannarluinnarpoq.

Nunaqavissut Qeqertarsuarmiullu soqutiginnippat imermik tunisassiasap puilasumeersup pittaassutsimigut tusaamasaasup ingerlateqqinnissaanut. Taamaammatt Qeqertarsuarmiut isumalluarsimanerigaluat tunisassiorfik “erlaviiarneqarnerani” peerpoq, takuneqarsinnaalermat suliffeqarfik tunisassioqqinnaviannigutsoq.

Paaserusunnarpoq imermik tunisassiornissamut akuersissut piginnittunit Namminersorlutik Oqartussanut utertinneqarsimanersoq.

Apeqquteqaatimma ullut suliffiusut qulit iluanni akineqareersimanissaat kissaatigaara.

Ulloq: 05. mar. 2015  
Postboks 357  
3900 Nuuk  
Tlf.: +299 32 20 77  
Fax: +299 32 23 19  
Mail: [siumut@siumut.gl](mailto:siumut@siumut.gl)  
Web: <http://www.siumut.gl>